



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

De necessitate medij.

urn:nbn:de:hbz:466:1-37144

secutionem non impedit. Porro quod necessarium est necessitate medijs, adhuc dupliciter necessarium est, vel in re, vel in voto: ubi votum non accipitur strictè pro promissione DEO facta, sed pro actu aliquo, in quo implicitè continetur propositum suscipiendi v. g. Sacramentum; qualis actus est vel contritio perfecta, vel amor DEI super omnia: hoc ipso enim, qui alterutrum actum elicit, habet voluntatem servandi omnia præcepta. Et si ea hic & nunc, vel propter ignorantiam inculpatam, vel aliam ob causam, re ipsa servare non possit.

6. Sed hinc jam oritur difficultas breviter enodanda. Inde enim videtur sequi, restitutionem, immo etiam omnium aliorum mandatorum observationem esse necessariam necessitate medijs: nam sine ea vel in re, vel in voto, salvari nemo potest: quod tamen est contra Theologos. Evidem fateor, non esse ita expeditum, differentiam inter utramque, quam dixi, necessitatem assignare. Nihilominus tamen duplex dari potest: I. est, quod, cum in mandatis excusare possit ignorantia invincibilis, absque eorum observatione salus haberi possit; non item absque iis, quæ dicuntur esse necessaria necessitate medijs, in quibus proin ignorantia, quantumvis alijs invincibilis sit, non excusat. II. est, quod, quæ necessaria sunt necessitate medijs, vel ad salutem præsupponantur tanquam primam radix & fundamentum, (qualis est fides, eaque solùm quorundam mysteriorum) vel ex primaria sui institutione ordinata sint ad conferendam primam gratiam.

7. Unde patet I. qua ratione Sacra-

menta, quæ in scholis vivorum appellantur, non sint necessaria necessitate medijs, quia licet quandoque, ut Theologi docent, sint etiam causativa prima gratiae, id tamen ex primaria sui institutione non habent. Patet II. cur voluntas restituendi, aut quocunque aliud præceptum observandi, non sit ad salutem necessaria necessitate medijs: quia nec est prima radix salutis, ut fideles; neca DEO elevata est, ut ad causandam primam gratiam principaliter ac primariò concurrat, tanquam medium positivum. Quidquid enim restitutio operatur ad salutem obtinendam, id non operatur, ut medium positivè influens in salutem; sed solùm ut removens peccatum, quod unicè à gloria cælesti nos potest excludere: cum econtrario ea, quæ hac medijs necessitate necessaria dicuntur, non solùm removeant impedimenta salutis, sed in super etiam in eam ut media positivè influant. Sed de hoc modò satis: videamus nunc, qua necessitate necessarium sit Sacramentum Pœnitentiaæ.

De necessitate medijs.

8. Sacramentum Pœnitentiaæ est ad salutem necessarium necessitate medijs, idque in re vel in voto, illis, qui post Baptismum vel in ipso mortaliter peccarunt. Tum quia hoc Sacramento, sive in voto sive in re prætermisso, salus obtineri non potest, cum nemini, qui peccato, præsertim mortali, inquinatus est, pateat aditus ad gloriam cælestem. Tum quia ex Concilio Tridentino sess. 14. capitulo post Baptismum dicitur hoc Pœnitentiaæ Sacramentum tam necessarium, quam est necessarius Baptismus iis, qui cum

eam nondum receperunt ; sed Baptismus est necessarius vel in re , vel in voto , ut ostenditur in propria de Baptismo materia : ergo &c. Et ita docent Suar. D. 17. f. 2. n. 3. & f. 3. n. 3. Valent. T. 4. D. 7. q. 1. p. 6. assert. 2. & q. 9. p. 2. Reginald. I. 28. n. 4. Bonac. D. 5. q. 2. p. 3. Henr. I. 4. c. 2. n. 1. & reliqui communiter. Hinc obiter

9. Patet , eum , qui post Baptismum peccavit mortaliter , non esse salvandum , nisi per Sacramentū Pœnitentia vel in re , vel in voto , id est , nisi vel re ipsa recipiat hoc Sacramentum , aut eliciat actum perfecta contritionis , vel amoris DEI super omnia , qui actus , si Sacramentum ipsum recipi non possit , idem pro rursus operatur , quod ipsum Sacramentum operatum fuisset , si etiam re ipsa fuisset receptum.

De necessitate precepti Divini.

10. Duplex præceptum est , vi cuius Sacramentum Pœnitentiae ex necessitate , sive ex obligatione percipiendum est , Divinum unum , alterum humanum : nunc de Divino agamus. Extare ergo ejusmodi præceptum de Pœnitentiae Sacramento percipiendo docent Theologi communiter , & colligunt id ex illis verbis Joan. 20. Accipite Spiritum Sanctum , quorum remiseritis peccata , remittuntur eis , & quorum retinueritis , retenta sunt. Desumitur id ipsum etiam ex Trident. eff. 14. c. 5. ubi expressè docet , præceptum hoc colligi ex Divina Sacramenti institutione , quam cap. 1. affirmaverat factam esse allegatis modò verbis ex cap. 20. S. Joannis. Vide Dicast. D. 7. d. 1. n. 6.

11. Obligat autem hoc præceptum non alios , nisi qui post vel intra Baptismum mortaliter peccarunt , Dicast. d. 2. n. 8. hi enim amittunt gratiam Divinam , non recuperandam , nisi per hoc Sacramentum : & idecirco etiam peccata mortalia , nunquam aliàs expiata , dicuntur materia necessaria Confessionis , cum peccata venialia econtra sufficiente quidem ad Confessionem , ad eam tamen necessariò non sint deferenda. Unde non est mirum , in virtutis Apostolorum , Eremitarum , aut primorum Christianorum , qui tam sanctè & innocenter vixerunt , nihil vel pauca legi de Confessione. Mirum verò illud est , & extra omnem modum mirum , B. Albertum Magnum , egregium aliàs Beatissimae Virginis præconem , eò usque progressum esse , ut dixerit , intemeratam illam , & ab omni cuiuscunque , etiam levissimi , peccati labe immunem Virginem confessam esse , & quidem non alteri , quam S. Joanni Evangelistæ.

12. Quilibet ergo peccati mortaloris tenetur in articulo seu probabili periculo mortis , undecunque , etiam per sententiam judicis , imminentis confiteri ; qua est communis & certissima omnium . ut apud Dicast. d. 2. n. 20. videre est , sententia : si enim tunc non obligat , quando obligabit ? Quid si quis prævideat , securum tale periculum , neque tunc confitendi copiam fore , ut in longinqua & periculosa navigatione , in prælio &c. tenetur anticipare , ut rursus communiter docent Theologi. Si quis autem in periculo mortis non sit confessus , superato illo non tenetur supplicere ; quia est obligatio alligata tempori periculoso ,